

欽定大清會典事例

欽定大清會典事例卷五百九十九

兵部

處分通例 公式三

嘉慶四年奉

旨。兵部議處護太原鎮印務參將降一級調用一本。固屬按例辦理。但此案係參將護總兵。若竟予降調。與本任總兵無所區別。著改為降二級從寬留任。嗣後遇有此等案件。皆當分別本任護任。照此辦理。並著該部纂入例冊。欽此。遵。

旨議定武職護任官。於屬員年衰技疏。差使怠惰等事。

不隨時轉報者。均照正任官例減一等議處。正任官應議降調者。護任官應議降留。正任官議以降留者。護任官議以罰俸。督撫提鎮於題叅時。將該員係暫行委護之處於疏內聲明。○五年奏准。正副參領兼管佐領者。因私罪革職。毋論佐領是否世襲。俱行革職。其有因公罪革職者。將參領及公中佐領一併革退。若所兼佐領係屬世襲。交該旗照世襲之例請

旨。至應議實降者。無論所犯公私。均就大銜議降。應降一級調用者。將參領降調外。仍留佐領。若由

參領降二級三級調用者。係公中佐領。照所降之級一併降調。如係世襲佐領。按所降級數。每一級折罰佐領半俸三年。免其降調。外省協領參領兼佐領者。俱照此例辦理。至職任大銜兼小銜。應議降級調用者。均就大銜議降。如所降之級不至小銜者。仍留小銜。若應降至小銜者。將小銜一併降調。遇有降調留任罰俸銀兩。均於大銜所食俸銀內扣繳。○六年奏准。步軍統領降一級二級三級四級調用者。照一品領侍衛內大臣等官降調之例辦理。左右翼總兵降

一級二級三級調用者。照二品前鋒統領等官降調之例辦理。至步軍統領降五級調用。左右翼總兵降四級調用者。均照領侍衛內大臣等官之例。免其坐補前鋒校等微員。○又奏准。營衛各官有軍功議敘功加者。遇降級之案。將功加一等。作為軍功加一級議抵。若係降一級者。銷去功加一等抵免。仍給還軍功紀錄二次。○又奏准。武職各官有承督未完之案。於年限未滿之先。終養離任。其原任內應議住俸停升降俸降級革職及罰俸者。俱以罰俸一年完結。○

又奏准。官員承督等案。有應議降職降俸等案。當補送職名時。事未完結。尚有展叅者。仍照例議處。俟結案之日開復。如補送職名時。其案已結。不便一面議處。一面開復。應議住俸停升者。以罰俸六月完結。降職降俸者。以罰俸一年完結。降革留任者。以罰俸二年完結。○又奏准。官員緣事處分。原有專條。復經奉

旨。交部嚴加議處者。查照本例酌量加等。由罰俸加等者。止於降一級留任。由降留加等者。止於革職留任。不得加至降調。由降調加等者。不得加

至革職除本例原條不准抵銷者仍不准抵銷外其餘均不得加議不准抵銷若例無專條者既無本例無從加等均應按其情罪輕重酌覈定議不得援引他例作為本例比照加等以杜弊混其應否抵銷之處仍分別公私照例辦理○又奏准武職各官因辦差欽奉

恩旨寬免處分應議降革留任及降俸罰俸等項覈其事犯在欽奉

恩旨以前議處在

恩旨以後者均一體寬免其已經議結處分應繳降

罰銀兩。覈其完繳日期。在欽奉

恩旨以後者。准將繳過銀兩給還。若完繳在欽奉恩旨以前者。毋庸給還。○又奏准。官員恭逢

恩詔寬免處分。如係降革留任。及降職降俸。住俸罰俸等項。俱欽遵

諭旨。准其寬免。若係實降實革。及世職官應實降折罰半俸。抵免者。俱不准寬免。○又奏准。奉

特旨升調官員。原任承督未完案件。覈其離任日期。在本案參限已滿之後。續經督撫咨參到部者。除應議住俸。停升罰俸之案。仍以罰俸一年完

結外。如應議降一級留任者。改為罰俸二年。降級調用者。改為降級留任。應議革職者。改為革職留任。均帶於升任內。扣滿年限開復。○又奏准。世襲騎都尉。雲騎尉。分標學習期滿。對品補用。於職任內有犯貪汙行止不端私罪。應議革職者。將世襲一併革退。該督撫按其應襲次數。另議承襲。若因公罪。溺職例革職者。其世職應否存留。兵部於議處本內聲明請

旨。其因私罪。應議實降者。每一級折罰世職半俸三年。免其降調世職。仍隨營效力。照所降之級補

用。若因公註誤降級調用者。准留世職。支食世職全俸。亦隨營效力。照所降之級補用。至世襲恩騎尉分標學習期滿拔補千總。若因私罪革退。將世職一併斥革。另議承襲報部。若因公罪革退職任。准留世職頂戴。勒令回籍。支食半俸。若因老病殘廢情願告退者。將應襲之人揀選承襲。其因私罪應議實降者。視其所降之級。如有官可補。仍留營效力候補。無官可補。革去職任。勒令回籍。支食世職半俸。若因公罪降級調用。無二級三級可降。准留世職。支食全俸。照微

員行查居官之例辦理。○又奏准守備以上官員緣事議降議革奉

旨令督撫出具考語送部引見其未到部之前續有別案降調革職者兵部照例議處將前案奉

旨引

見之處於本內聲明如奉

旨著照前旨送部引見者俟該員到部日查明降革處分共有幾案統於奏摺內聲明帶領引

見若奉

旨依議降革即毋庸帶領引

見。○又奏准。武職官員因公降革。留於地方效力。及案犯未獲留緝人員。如續立功績。並緝獲本案之犯。督撫覈其功過相抵。請

旨開復者。均令該督撫出具考語。給咨赴部引

見。恭候

欽定。○又奏准。緣事降革留任。並欽奉

特旨降革留任官員。於限滿呈請開復時。兵部將該員降革俸銀及限內有無另案降罰各項俸銀。曾否完繳。移咨戶部覈明。已經完繳者。照例題請開復。如尚有罰俸銀兩未經全完者。俟該員

完繳之日。再行開復。至官員先任文職。後任武職。文職任內降革。留任處分。限滿開復。由兵部覈辦。先任武職。後任文職。其武職任內降革。留任處分。限滿開復。移咨吏部覈辦。○又奏准。八旗官員。承辦事件。不加詳慎。致有錯失。其情罪不至特疏叅處者。該管大臣記過一次。報部存案。候積至三次。該管大臣即行咨部。將該員罰俸三月。○又奏准。駐紮新疆辦事武職大臣。緣事應降應革。奉

旨暫停開缺。仍留效力。並續經補授京職者。俱於事

竣回京之日。兵部具奏請

旨。如由差所奉

旨補授外省文職武職著赴新任者。兵部即將降革案由奏

聞。以可否改為革職留任。帶於新任之處請

旨遵行。○又奏准。派往出兵及新疆等處屯種駐紮大臣官員。遇有處分之案。均照舊辦理。其應行降調革職留營效力者。均俟事竣回京之日。兵部將前案具奏請

旨。如作為兵丁效力者。支食披甲錢糧。事竣回京。毋

庸再行請

旨。其派往出師屯種侍衛章京等官。亦照舊辦理。惟自備資斧效力人員。遇有降革處分。註冊仍留該處效力。不准支食俸餉。至伊犁新疆等處。由內地派往換班及屯田各員。遇有降革罰俸等案。均照此例辦理。其伊犁烏魯木齊巴里坤等處駐防大臣官員。遇有處分毋庸註冊。均照內地駐防一例定議。若棄瑕錄用。

賞給職銜自備資斧效力人員。遇有議處之案。應罰俸者。准其註冊。於事竣補官之日。補行罰俸。應

降級留任革職留任者亦准其註冊俟補官之日計滿年限將俸銀扣完者准其開復如於未經補官之前所議降級留任年限已滿將應扣俸銀全行繳完者亦准其開復○又奏准署任官失察各項案件覈其事犯在該員到任之後條本任內失察之案毋論其署事月日多寡均照正任官例議處如條前官失察之案接署官未能查出申報後經發覺覈其署事已及一月與歷任各官一例議處若署任不及一月免議○又奏准世管佐領本係世職惟有辦理旗務

之責與問散世職不同。若犯貪汙私罪及罷輓不職。照溺職例革職者。俱離任。所遺世管佐領。該旗另議承襲。若應議實降。無論公罪私罪。均照世職折罰半俸之例辦理。○又奏准。職任官階較大於世職者。由職任因私罪議降。所降之級不及世職品級者。毋庸議罰。世職半俸。應降及世職者。按所降之級。議罰世職半俸。其世職品級與職任相等或較大於職任者。遇職任內私罪議降。均按所降之級。折罰世職半俸。○又奏准。侍衛官員因誤差使。經該管大臣議以罰

俸者。該旗將該員任內紀錄造冊送部。准其抵銷。○又奏准。該員欽奉

特旨罰俸及部議罰俸。奉

旨加恩減半議罰。或原議降級。奉

旨改為罰俸者。均毋庸分別公私。一概不准議抵。○

又奏准。佐領補放副參領。委署步軍協尉。補放步軍副尉。驍騎校等官。補放藍翎侍衛。委署步軍校。烏槍護軍校。補放五品空銜花翎。三等護衛。補放包衣參領。俱係引

見奉

旨補放之員。品級雖屬相當。係屬升任。其前任內尋常加級。於補缺後俱咨部改為紀錄。如係軍政卓異之員。將卓異查銷。加級改為紀錄。其餘由各衙門堂官委署。非引

見奉

旨補放及奏明升署者。均毋庸改為紀錄。又奏准旗員出征立功所得功牌。或不敷議給世職之數。有情願送部請換加級紀錄者。一等功牌一箇。換給軍功加一級紀錄二次。二等功牌一箇。換給軍功加一級。三等功牌一箇。換給軍功紀

錄三次。四等功牌一箇。換給軍功紀錄二次。五等功牌一箇。換給軍功紀錄一次。即將功牌查銷。如遇有降級罰俸。准其抵銷。○八年

諭。前因御史喬遠煥奏。本年查辦貴州陝西經理軍需各員案內。有原參嚴加議處。而吏部僅照常例。覈議者。有原參分別嚴議。而吏部不按銀數多寡。概議以降五級調用者。特發交該部詳查軍需處分例案。妥議具奏。茲據奏定例。各督撫參劾屬員。不得用嚴加議處字樣。吏部辦理此二案時。覈其情節。均屬濫支濫應。各員經理不善。咎實相同。而例無按其銀數多

寡分別輕重之例。是以均照軍需錢糧擅自動用常例。一律定議等語。外省叅劾屬員。定例固有不應奏請嚴加議處之條。但既有此情。朕閱看其中。或有不應嚴議者。朕必即行更改。若既發交部議。即同奉旨嚴議。豈可不遵。該部如以嚴議一節。惟特旨交部之員。照例加等。若係臣工奏請者。仍照常例辦理。即當隨案聲明。或將違例叅劾之大臣。據實叅奏。方為正辦。今吏部於黔陝軍需兩案。未經詳晰聲敘。未免拘泥。嗣後除特旨交部嚴議之案。仍加等嚴議外。其各省叅劾屬員。如有情節本輕。而上司遽請嚴議。或情

節較重。僅請議處者。著該部即將奏請處分未協之原叅督撫等。隨摺聲明。候朕定奪。○九年

諭。嗣後奉旨特交議處事件。均著改用摺奏。其應行查級議抵等項。吏兵二部。均有冊檔可稽。無難立限查明聲請。其中或有輾轉咨查。及查取職名之處。即於摺尾聲敘明晰。俟咨覆到日。即行具題。毋得任意遲逾。其尋常事件。應照例彙題者。亦不得過於延緩。將此通諭知之。○十年

諭。據兵部彙題議覆盜案等項尋常事件一本。向來吏兵二部於此等議覆各案。俱歸入彙題本內。或十日

具題一次。或十五日具題一次。即遇有特旨交議事
件。亦並不另本題覆。以致本內臚列案件紛繁。多者
篇幅盈尺。少者數百頁。朕披覽章疏。固不厭繁多。而
部中於應辦事件。積壓遲延。久懸案牘。殊非慎重辦
公之道。嗣後吏兵二部於尋常交議案件。固不得怠
緩遲延。若遇有特旨交議事件。或專摺具奏。或另為
一本。及早議覆。不得歸入彙題本內。併案辦理。以致
因循延閣。若再有特旨交議歸入彙題者。該堂司各
員。一併嚴議。著為令。○十一年

諭近來吏兵二部於議處文武官員例應降調者。往往

有援引定例。仍於摺尾聲敘。應否准抵請旨定奪。其
意不過以部臣原係聲明雙請。凡從嚴處分者。係屬
出自上裁。歸怨於朕。朕為天下共主。原應任怨。而諸
大臣必欲市恩邀譽。其意何居。文武官員公私罪案
處分。如應降若干級。及應否留任。准抵之處。均有定
例可循。部臣自應參酌案情。按照定例。即或例文有
未盡賅備。亦當比照確切。酌中定議具奏。俟奏上披
閱時。或其人照例處分本重。經朕特加寬宥。此則恩
出自上。其或照例處分較輕。而特改從嚴者。朕必降
旨宣示。如果部臣原議於定例。並未舛誤。朕亦斷不

加之責備。若將例應嚴議之案。動以請旨定奪為詞。是部臣欲博寬厚之名。而轉以嚴刻歸之於上。殊非實心任事之道。嗣後吏兵二部辦理議處案件。務當屏除積習。詳細覈例。公同悉心定議。不得輒用請旨定奪字樣。為調停兩可之說。○又奏准。官員議敘加級。向准改為紀錄。其因事出力。欽奉

特旨恩賞加級。數與議敘加級相同。准其一體改為紀錄。抵銷罰俸。至

覃恩加級。係

普沛恩施。加級不准改抵。○又奉

旨。吏部具題議處。戶部堂司官等失察直隸監生劉姓捐名未協一本。係司官自行檢舉。罰俸減等。輒將該堂官照例免議。所辦非是。此事戶部堂司官等於捐生命名未協。不即飭令更改。雖係自行檢舉。其疏忽之咎。究有難辭。是以戶部前次奏請議處時。即並未將堂官處分寬免。今吏部即因檢舉舊例。堂官有免議處之條。亦止當於本內聲明請旨。何得遽爾免議。此與昨日都察院議處吏部之本正同。所有戶部出結不慎之司官。著罰俸一年。失察檢舉之司官。著罰俸六箇月。其堂官等均著罰俸一箇月。吏部堂官率

行定議亦著罰俸一箇月。均著准其抵銷。○又議定。提督總兵大員。如辦理事件。始初失於覺察。後經自行查出檢舉者。將照例減等處分及寬免之處。兩議請

旨。其副將以下無心錯誤自行檢舉者。各按應得處分議減。如應革職者。即革職留任。應革職留任者。即降三級留任。應降級調用者。即降一級留任。應降級留任及罰俸二年者。即罰俸一年。應罰俸一年並九月者。即罰俸六月。應罰俸六月者。即罰俸三月。應罰俸三月者。即行免議。本員

既經檢舉減等。其失察之該管上司。兵部仍將照例減等處分及寬免之處。兩議請

旨。儻所犯之事。係有意營私。別經發覺。希圖寬減。倒提月日。及斷罪失入。已行論決者。雖自行檢舉。不准寬減。○十二年奏准。查旗員升任品級相等。加級應否。改為紀錄。原例未甚妥協。今改定。綠營提督。補放八旗都統。各駐防將軍。八旗副都統。補放前鋒統領。護軍統領。綠營總兵。補放副都統。體制較崇。應照升任官之例。加級改為紀錄。頭等侍衛。前鋒參領。護軍參領。驍騎參領。補放

陵寢總管

體制較崇。應照升任官之例。加級改為紀錄。

各駐防城守尉。專城大員。

體制較崇。應照升任官之例。加級改為紀錄。

圓明園並內外火器營烏槍護軍參領補放營總

管理二旗。係屬兼轄。應照升任官之例。加級改為紀錄。

健銳營並內外火

器營參領委署翼長補放翼長

兼管四旗。係屬統轄。且係由委

署而實授。應照升任官之例。加級改為紀錄。

八旗佐領補放副驍騎

參領

佐領為專管。副參領為兼轄。應照升任官之例。加級改為紀錄。

步軍校補

放步軍副尉

步軍校為專管。步軍副尉為兼轄。應照升任官之例。加級改為紀錄。

前鋒校護軍校驍騎校補放藍翎侍衛

體制較崇。且有

食俸食餉之分。應照升任官之例。加級改為紀錄。

又加銜不開原缺各

官。如八旗驍騎校。補放印務章京。更換五品頂戴。且辦理一

旗印房事務。應照升任官之例。加級改為紀錄。委署開缺各官。如

圓明園護軍校。補放委署護軍參領。外火器營烏

槍護軍校。補放委署烏槍護軍參領。健銳營前

鋒校。補放委署前鋒參領。開缺不兼本任。應照升任官之例。加級改

為紀錄。其餘對品調補各官。如副都統補放總兵頭等侍衛。前鋒參領

護軍參領。驍騎參領。補放王府長史。頭等侍衛。補放前鋒參領。護軍參領。驍騎參領。驍騎參領。

補放護軍參領。護軍參領。補放前鋒參領。二等侍衛。前鋒侍衛。副護軍參領。副驍騎參領。補放

驍騎參領。陵寢翼長。及王府司儀長。二等侍衛。補放副

鋒侍衛。三等侍衛。五品典儀。補放包衣參領之類。本任兼攝各官。如頭

銜。補放隨同辦事章京。二等待衛。補放侍衛班
領。護軍參領。補放隨同辦事章京。司鑰長之類。

委署升銜。仍兼本任。不開原缺各官。如內外火
器營總。補

故委署翼長。健銳營前鋒參領。補放委署翼長。
步軍協尉。補放幫辦翼尉。左右兩翼前鋒校。補

故委署前鋒侍衛。及內火器營烏槍護軍校。補
故委署烏槍護軍參領。空銜花翎。八旗護軍校。

補放委署護軍參領。前鋒校。護軍
校。馳騎校。補放委署步軍校之類。任內加級。均

毋庸改為紀錄。○又議定軍政舉劾案內。劾叅

有疾休致。續經調治痊愈者。照隨時休致之例。

於正項之外。加十分之五。准其捐復。又滿漢武

職革職離任等官。有情願捐復原銜者。准其報

捐。至軍政舉劾六法各官。例不准其捐復原銜。

但此項人員。究無姦贓情罪。仍准其捐復原銜。並加捐至原銜以上。不准補用。又降革人員。呈請捐復原官。已經奏駁。後以降等報捐者。准其報捐。如所犯原案有姦贓貪婪行止不端等情。仍不准降捐。又革職有餘罪人員。仍查原案情節。分別准駁具奏。如條問擬笞杖。已經贖免者。照革職捐復銀數。酌加十分之二。未經贖免者。酌加十分之三。輕徒已竣者。酌加十分之五。滿徒已竣。及軍臺已滿。換回贖回者。酌加十分之六。原擬軍流贖免者。酌加十分之八。原擬新疆

已經放回贖回者加倍。其僅止捐復原銜並降捐職銜。仍照本例報捐。毋庸令其加等。又降革人員奉

旨引

見後仍照部議降革者。其原案情節本屬因公。該員既踴躍急公。有心報效。亦准其一體報捐補用。文部議降調革職奉

旨從寬留任。或奉

旨留任。給予年限開復人員。均照捐復尋常降革留任銀數。酌加十分之五。一概准其報捐。如部議

降革奉

旨仍以原官補用。將降革之案帶於新任。並降調革職後。經該督撫奏留人員。亦照此例辦理。又侍衛及鑾儀衛因公降級留任革職留任人員。有情願捐復者。俱准其隨時逐案報捐。又接

駕並慶祝

萬壽

賞給職銜及原品休致人員。一體准其報捐。又降革人員。應將續參降革註冊各案。分別報捐。如具呈時漏報。續參降革處分。數明該督撫查參日

期在該員未經離任之先者。應將漏報之案。令其加倍報捐。如係該員離任以後。該部查明檔冊指出。准其逐案報捐。又捐復人員定例。於具呈時。均令其呈明有無欠項。及完欠若干。由戶部查條例限已逾。或未逾。而數在三百兩以下者。即令照數全繳。方准報捐。其有欠數較多。尚在例限以內者。准其先行報捐。仍將未完銀兩。著落該員按照年限。如數全完。一面知照兵部。儘逾限不完。已選者。即行解任。未選者。停其銓選。若報捐時。將欠項隱匿。不行聲敘。事後別經

發覺將所捐之官註銷。仍照隱匿例治罪。○又奏准。查武職該管上司。誤揭屬員。原例止載本官革職降調。罰俸三層處分。其於本官降留一層。申報之上司各官。作何議處。遺漏未載。酌量加增。如本官降級留任者。將申報之上司。罰俸一年。轉詳官罰俸六月。總督巡撫提督總兵。罰俸三月。原議降留處分。准予開復。並載明如係總督巡撫提督總兵。自行叅奏。非由各該管上司申報。錯誤者。總督巡撫提督總兵。即照申報上司之例議處。○又奏准。凡官員應得處分。該

督撫提鎮照例分別題咨。奏不准用嚴加議處字樣。如有情節本輕。而遽請嚴議者。除將所奏之員照例議處外。仍將原奏未協之大臣。隨摺參奏。恭候

欽定。若奉

旨將原參大臣交部議處者。照誤揭屬員經部查出。未經處分例。分別議處。○又奏准。凡官員議處有奉

旨交部嚴加議處者。自當加等。仿照刑部加等之例。一體辦理。處分則例內。罰俸之例。自一月兩月

三月六月九月一年至二年。凡七等。降級留任之例。自一級二級三級至革職留任。凡四等。降調之例。自一級二級三級四級至五級。凡五等有奉

旨。交部嚴議。查照本例酌量加等。其由罰俸加等者。止於降一級留任。由降留加等者。止於革職留任。仿照刑律徒杖加等罪止滿流之意。不得加至降調。由降調加等。仿照刑律絞不加斬之意。不得加至革職。若例無專條。均應按其情罪輕重定議。○又奏定官員加級紀錄抵銷降級罰

俸。凡事涉營私。及例有專條。不准抵銷者。於議處本內。將不准抵銷之處。聲明。若例無專條。比照議處。查明實係因公者。雖所比之例。原有不准抵銷字樣。亦准其抵銷。○又奏准。凡罰俸案件。並無展參。事屬因公者。續有議敘紀錄。亦准抵銷。○又奏准。現任官員潛逃。該管官不行申報者。原例載有降二級調用處分。其已經申報者。作何議處。並無明文。查照歷經辦理題准成案。分析增載。如該管官止係失察。罰俸一年。其候補官員脫逃。亦照此例辦理。○又奏准。千總

因公議降議革。亦有奉

旨送部引

見者。應與守備以上官員。緣事降調革職。奉

旨令督撫出具考語送部引

見條內。一併纂載。○又奏准降革人員。續立功績。奏

請開復舊例。均令該督撫給咨送部引

見。應分別千總以上官員。均令該督撫出具考語。給

咨赴部引

見。恭候

欽定。把總外委微員。應請開復之案。兵部覈與定例

相符者。題請開復。毋庸送部引。

見。○又奏准。查舊例。千總遇有降二級降三級調用之案。俱照七品官降調之例辦理。應分析改載。凡千總降一級調用者。即以把總降補。若遇降二級降三級調用者。亦照把總之例。行查居官。並載明外委官降革留任。均行革去頂戴。仍分別應議降級留任者。三年無過開復。革職留任者。四年無過開復。○又奏准。候補候選試用棟發人員。遇有降革留任罰俸處分。向無議以補官之日降革留任罰俸之例。應分析增減。凡升

任官。如遇原任事件例無展叅。應議降革留任者。於新任內降革留任。扣滿年限開復。應行罰俸者。於新任內罰俸。初任官於到任日期罰俸。降調終養丁憂告病解任。及候補候選試用揀發等官。應行降革留任者。於補官日降革留任。扣滿年限開復。應罰俸者。於補官日罰俸。○十年奉

旨。兵部等部奏。察議領侍衛內大臣等。請照不行查明罰俸三箇月例。各罰職任俸三箇月。恭俟命下。再行辦理一摺。成親王定親王綿恩榮郡王綿億各罰俸

三箇月。毋庸查抵。其慶桂阿克棟阿罰俸三箇月之處。准其查抵。此次奏補宗室三等侍衛。因成親王綿恩綿億均係宗室。未免有瞻徇情事。是以將伊三人不准查抵。慶桂阿克棟阿。准其查抵。若係辦理大臣子弟升等之事。則應將慶桂阿克棟阿實予罰俸。成親王等三人均予查抵。此朕斟酌權衡一秉至公之道。至兵部摺內稱此案係屬公罪。緣奉特旨交議之件。恭候命下再行辦理等語。所敘殊屬非是。嗣後吏兵二部於議處罪案。除私罪不准查抵外。如有實係公罪。經特旨交議者。其應否准抵之處。著於摺內聲

明請旨候朕裁奪。十四年

諭。兵部奏酌議恩詔加級章程一摺。所辦是向來恩詔加級。均須俟各員到任後分別註冊。但官員赴任。有遲速遠近之不同。若以到任為斷。則同時引見之人。其程途較近者。自必行走較速。到任可以在恩詔之前。獲邀加級。其到任在後者。即不得加級。殊未公允。而部中遇有叅罰覈議之案。必須行查到任日期。不但輾轉稽遲。案多塵積。而其中先後參差。含混捏報。易滋弊端。今兵部請將應行引見人員。以引見奉旨之日為斷。毋庸引見人員。以具題奉旨之日為斷。其

各省拔補外委。以咨文到部之日為斷。俱於新任內
給予加級。自應如此辦理。至文武事同一例。所有本
年恩詔內文員加級。著吏部亦即照兵部此次所定
章程辦理。以昭畫一。○又奉

旨。昨因東林未經派出來京祝嘏。輒行奏請赴闕叩祝。
且摺內語多繁絮。特降旨申飭。並交部查議。該部議
將該副都統照違令例。罰俸九箇月。復聲敘。查有紀
錄次數。應否准其抵銷。殊屬非是。此係特旨交議之
件。何得率行議抵。東林即著罰俸九箇月。不准抵銷。
嗣後如再有自行奏請來京祝嘏者。即著照此辦理。

亦毋庸再交部議。○十五年奏定。因公赴部引

見官員。如未經引

見以前。遇有降革事故。奉

旨送部引見者。准該員赴部呈明。查照原咨考語。帶

領引

見。其有因公來京。例無引

見。應行回省者。仍令該督撫出具考語。給咨赴部再

行帶領引

見。○又奏定。凡陸路邊疆苗疆。及內河水師升署官
員。未經實授。遇有降調處分。仍按其原任職銜。

議以降調。如由軍營出力升署。未經實授。及外海水師升署。未經實授人員。遇有降調處分。係營私舞弊。情罪重大者。於原任內議以降調。其因公註誤。情罪尚輕者。於現任內議以降調。

又奉

旨。兵部彙題議處本內。將看射布靶到遲之哈迪爾。罰俸六箇月。請以紀錄抵銷。免其罰俸等語。大員中交部議處者。自應由該部覈議辦理。亦當於數日內專摺具奏。不應遲延日久。歸入彙題。此案哈迪爾所得議處。前經御前大臣奏請罰俸六箇月。當即降旨依

議久經辦結。該部何以數月之後。復行覈議。請以紀錄抵銷。實屬不合。所有此次哈迪爾罰俸六箇月之處。不准抵銷。嗣後大員議處。由各該衙門覈議。業經降旨依議者。該部即毋庸查抵。○二十五年

諭軍機大臣六部議覆整飭部務條陳一摺。所議甚是。六部律令。務在持其大綱。則政清而易理。外省庶務。原皆責成於地方官。此在督撫分別賢能庸劣。舉錯公明。自收得人之效。其或不效。則督撫豈能辭咎。部中多立科條。州縣無日不奉行具文。轉荒其教。養本務。於事何益。而公罪繁多。賢吏或因此廢黜。不肖者

巧於規避。部書得以舞文納賄。皆由於此。嘉慶十八年曾

敕吏兵二部。刪減例條。該部未能實力遵行。又

諭題調要缺。不計因公處分。而該部續議章程。仍多牽混。殊不知公罪從嚴。則中材以下之官。益多巧避。嚴其經徵處分。則多墊欠。而挪新掩舊。即成虧空。嚴其承緝處分。則多諱盜。而縱惡養姦。轉貽大患。故曰徒法不能以自行。著吏兵二部。各將處分則例。悉心確覈。於各條下。皆註明公罪私罪字樣。其公罪有至降調革職。非事關重大者。酌改從寬。各部煩苛無當處

分例文。互商裁汰。務歸簡明。其公罪處分。除盜案及正項錢糧停升外。餘皆不呈推升。至題調要缺。則一切因公處分。皆毋庸計算。各纂成例冊呈覽。至六部事務綦繁。一事到部。無論題奏咨行。皆當細心確覈。固不當遲延積壓。亦斷不能各限以五日而畢。堂官不能每日全行進署。若有緊要事件。禁止私宅稟商。勢必坐待。以致延誤。除弊之道。殊不在此。○道光十九年奏准。武職員弁。經各省督撫奏請。摘去頂戴。勒限緝拏之案。係疏防盜案。應令該督撫等將獲犯日期。隨案聲敘。如獲犯在本案正限之

外將該員弁等項戴開復仍按例限叅處係遞解重犯脫逃之案除將該員弁等摘頂限緝外其應得處分照例覈議至其餘摘去頂戴之案如例內仍有應得處分亦應令該督撫等隨案聲請交部議處僅請摘去頂戴而不按照例限開叅其漏叅之該管各職名即由兵部查取覈議以杜取巧規避○二十五年

諭向來武職引見人員弓箭生疏降旨將原保官交部議處吏部議以降留兵部議以降調殊不畫一嗣後俱著定以降一級留任可否准其抵銷聲明請旨○

二十六年奏准。內外武職專汛員弁。及外委官
疏防失事。經該督撫奏叅摘去頂戴。無論正任
署任及撤任留緝者。如限內獲犯。即奏請開復。
如未獲犯。統俟本案四叅二叅期滿。分別議結
後題請開復。其餘有例限者。按限議結。無例限
者。隨案議結。均覈其案情之輕重。分別奏咨。聲
請開復。如開復頂戴之外。尚有餘罪。應一面開
復頂戴。一面將該員送部議處。若案限已完。本
官已經聲請開復。轉詳官不為詳請。及轉詳官
已經詳請。該管大臣不為奏咨者。均分別公私。

照漏請開復降革留任之例議處。至本員遺漏不報。或涉隱匿。續有摘頂事故。遽請開復者。除不准升轉外。將本員亦照漏請開復降革留任之例議處。○咸豐二年

諭。前據恆毓奏遵旨審辦民人楊林京控一案。聲明擬將獲犯之署防守尉克科僧額等。分咨各衙門鼓勵。茲據奕興奏。查明克科僧額實非緝獲此案逃兇之員。並請飭盛京各衙門覈實獎勵。以免冒濫等語。所見甚是。克科僧額原請鼓勵之處。著毋庸議。向例屬員賢否。應由該管上司秉公舉劾。以專責成。而杜冒

濫嗣後各衙門均應遵照定例毋得越俎保薦致啟
黃緣倖進之階。其有特交查訊案件。非奉旨於定案
時聲明奏請者。亦不得率請鼓勵。為見好屬員地步。
懍之。○六年

諭各省府州縣官。均有守土之責。遇有賊匪竄擾。嬰城
固守。克保城池。朕不惜破格施恩。以昭激勸。其失守
各員。有能於事後奮勇殺賊。力贖前愆者。或准其免
罪留營效力。原屬法外之仁。豈容視為常例。近來各
路統兵大臣。及各省督撫。往往於失守員弁。動以功
過相抵為詞。不但寬其罪名。甚至仍留原任。且有失

守之時。並不奏參。直至克復後。徑請免議者。似此曲為開脫。何以持情法之平。著通諭各路統兵大臣督撫。所有失守後。隨同克復各員。止准酌減罪名。或從寬免罪。仍帶降革處分。不准遽請開復。俟續有勞績。方准酌量保奏。以杜冒濫。而示勸懲。○又奏准。凡派往出兵及新疆等處屯種駐紮之把總外委等。微弁。因案降革者。暫停開缺。於事竣之日。由軍營大臣。暨該管各督撫將軍。詳加驗看。出具考語。咨部查覈。如該弁弓馬可觀。著有勞績。准將降革暫停開缺之案。改為降革留任。若人本平

庸不能得力。即行開缺。○同治元年

諭。御史呂序程奏。休致及永不敘用人員。請不准開復。捐復等語。向來休致人員。例不准其捐復。其永不敘用人員。劣迹昭著。情節尤重。是以終身擯棄。以示重懲。定制綦嚴。纖毫未能寬假。乃近來各省於休致人員。往往保舉開復。並於永不敘用人員。亦請先行開復。永不敘用之案。以為將來保舉地步。實屬故違定例。殊非朝廷澄敘官方之意。嗣後各省督撫及各路統兵大臣。於此二項人員。不准濫行保舉。亦不准代請捐復。如有仍前錮習。違制濫保者。必將該督撫大

臣從嚴懲處。並將所保之員。查明有無賄囑請託等弊。分別從重治罪。以杜鑽營而肅吏治。○三年奏准。在京旗營並外省駐防大小武職世職官員。出身履歷。由在京各該都統前鋒統領護軍統領各營大臣。在外將軍都統副都統新疆大臣城守尉等。於每年春秋二季造冊。將各該員名下。或滿洲蒙古漢軍包衣並何佐領下。及任內升遷補放承襲年月日期。有無兼銜級紀翎頂虛銜降罰事故。詳細註明。每年按春秋二季報部。春季不得過四月。秋季不得過十月。如有遲延。

遺漏及竟不造報者。即由兵部查取職名。分別
議處。○四年

諭軍興以來。各省大營。差委需人。凡廢員之投入軍營
者。原冀收其指臂之助。乃效力未久。薦牘頻登。甚至
保擢升階。優於本職。夤緣取巧。流弊滋多。嗣後著各
路統兵大員。及各直省督撫。於投營降革廢員。務當
破除情面。嚴加釐剔。分別降革。咨回吏部及各原籍。
不得濫行奏留。儻其中有效力戎行。才堪造就之員。
即著出具切實考語。送部引見。候旨錄用。仍不得概
以打仗為名。遽予優保。致啟傲幸。○又

論御史王師曾奏獲譴較重人員。請不准留營差遣。以杜倖進等語。所奏不為無見。近年獲譴人員。往往在各省軍營。逗遛差委。或以奔競結大吏之知。或以矯飾為起用之計。一朝任事。故態復萌。最足為人心風俗之害。著各直省督撫。及各路統兵大臣。嗣後遇有各項廢員。除因公註誤才具可用者。准其留營差委。以觀後效。俟著有勞績。仍准據實奏外。其被叅斥革情節較重。及軍營債事各員。均不准留營效力。以肅營制。而儆官邪。○五年奏准。凡專城武職各官。失守城池。革職減等議罪後。帶罪留營人員。再次

得有勞績方准免罪。由刑部知照兵部。暫行存記。三次得有勞績。給予虛銜頂戴。四次得有勞績。准其開復。其免罪留營人員。再次得有勞績。給予虛銜頂戴。三次得有勞績。准其開復。均令補繳加倍半捐復銀兩。其例應引

見之員。俟捐項繳清。咨報戶兵二部。給咨送部引見。至帶罪免罪留營各員。必須攻堅克敵。戰功卓著。方准保奏。其辦理團練防堵運送軍火糧餉等項。尋常勞績。概不准濫行保奏。○六年奏准。凡原在軍營獲咎。降革留營效力人員。建有實在

功績保奏開復。准免繳捐復銀兩。

謹案失守人員開復。另有

專條。不在此例。其另案降革人員。經統兵大臣及督撫

奏調軍前。歷著戰功。保舉開復。或先保降補。續

又保至原降革官階者。均令補繳捐復銀兩。仍

俟送部引

見後。方准補用。○又

諭。兵部奏革職開復人員。往往將從前所得虛銜升階翎枝勇號等項。含混帶用。請明定章程等語。著照所請。嗣後武職人員。得有虛銜升階翎枝勇號等項。緣事革職者。一律註銷。如續立功績。保奏開復原官。除

本案開復。或奉旨開復原銜升階。暨賞還翎枝勇號。准其帶用外。如僅係開復原官。概不得含混帶用。降調人員。所得升階升銜。亦應一律註銷。其花翎視所降之級。在五品以上者。仍准帶用。降至六品以下。即不准帶用。如續立功績。升至五品以上。非奉特旨賞還。及各督撫大臣奏請開復翎枝。亦不得帶用。其藍翎勇號。無論降至何品。一概准其帶用。○光緒二年諭。御史余上華奏請將永不敘用人員。不准投效軍營等語。據稱近來此項人員。竟有投效軍營。希圖保請註銷。永不敘用。以為開復地步者。殊非澄敘。

官方之道。嗣後永不敘用人員。概不准投效軍營。
各路統兵大臣。及各省督撫。並不得率行保獎。以
杜取巧而肅官常。

欽定大清會典事例卷六百

兵部

處分通例

軍政

軍政○原定軍政貪酷有款者革職提問。不謹罷軟者革職。年老有疾者勒令休致。才力不及者降二級調用。浮躁者降一級調用。前有卓異應升及加級紀錄不准抵銷。○又定八法各官通為一本。參奏貪酷有款者革職提問。如事在赦前免罪。永不敘用。不謹罷軟者革職。年老有疾者勒令休致。才力不及者降二級調用。浮躁者降

一級調用。不准援。

赦。從前卓異。即升及一應加級紀錄。不准抵銷。其不
謹罷。輒有疾不及浮躁等官。均送部引。

見。年老者不必送部引。

見。如有情願赴部者。該督撫提鎮仍給咨送部。○順

治十一年議准武職軍政五年舉行一次。二品

以上。具疏自陳。三品以下。該管官分別優劣。遇

應行軍政之年。由部於二月內具題。行令考察

如法。○又議准內外軍政各官。升任裁汰降調

離任一年以上者。舊任不必註考。於新任註考。

不及一年者。仍於舊任註考。均於十月內具題。

到部。部會都察院兵科。河南道。今道。察覈題覆。

○又題准。各省軍政造具四柱文冊。分送本部。

及兵科。河南道。今道。考覈其冊。開各官。除由部。

題覆。出榜曉諭外。如有遺漏舛錯。仍聽科道各。

官叅劾。○又題准。軍政應考各官。有營求囑託。

及羅織生事。或親自出名。或主使他人投辭告。

訐。匿名造揭。暗圖傾陷者。在外聽督撫。在內由。

部行五城御史。巡捕營緝拏叅究。○又題准。軍。

政考覈。屆期閱冊各官。於寓所各書迴避。黏貼。

門首郎中員外郎主事住宿衙署均嚴加關防。閱冊畢會同兵科河南道今京道參訂賢否以定去留。○十二年題准卓異各官移咨禮部。

賜衣一襲。○又題准各官有清廉能幹其降罰之案係因公註誤者皆准其卓異。其食俸未滿三年及有盜案未結者不論多寡概不准卓異。若係前任內曾有盜案已經議結現任內並無事故及考語間有參差無甚關礙者亦准其卓異。○雍正元年議准卓異官引

見註冊後遇有員缺應升列名題補其食俸未滿三

年者不准卓異。○又議准軍政自陳各官。有遺漏舛錯。上次自陳以前之事者。概免議處。其奉旨察議者。仍照例議處。若遺漏已經議處。降罰案件。有關考成者。罰俸一年。遺漏廢子加級等事。無關優劣者。罰俸六月。至失用印信不開籍貫舛錯。一應細故者。止行嚴飭。○又題准軍政薦舉各官考語參差。無甚關礙者。亦准卓異。○二年諭吏部兵部。三年一次舉行大計軍政。此內有應革職者。若俟部議奉旨之後。方行解任。其地方遠者。為日甚久。劣員豫知被革。恐其恣肆妄為。嗣後舉行大計

軍政之時。有應革者。即行解任。若具題之後。或有免其革職者。仍再行補授。○又奉

旨。嗣後卓異官有不合例者。將何人保舉。並與例不符情由。別行開明具奏。○又奏准軍政卓異各官。移咨

禮部

賜蟒衣一襲。○四年奉

旨。嗣後凡降罰之案。奉旨特免者。不必載入自陳本中。著吏兵二部一例遵行。○乾隆七年奏准。凡內外武職。上次軍政卓異。下次降為平等者。將上次卓異報部註銷。○十七年

諭。自今內而部院司官。外而道府京察大計之例。仍舉行。以昭激勸。其自陳繁文著停止。以示崇實。武職軍政視此。○二十四年

諭。向來內外文武三品以上大員。遇京察軍政之年。援例自陳。文具相沿。無裨實政。曾經降旨。停罷。嗣後兵部於軍政時。將在京之都統副都統。在外之駐防將軍都統副都統。各省之提督總兵官。分列為三本。繕具簡明履歷清單。進呈。候朕鑒裁。以重考績大典。著為令。○二十六年

諭。工部奏各省卓異官引見後。向例文職賞給朝衣。武

職賞給蟒袍。由工部領銀製造轉發。該員等不能久
候親領。易致書役等冒領。隱匿諸弊。嗣後請停止賞
給一摺。卓薦人員。旌以章服。雖沿仿車服以庸之義。
第行之日久。漸成具文。司事官吏等領值。既有虛浮。
工料又非精好。及由提塘分發。輾轉弊生。不惟本員
實用無裨。且恐轉致勒索。停其製給。實屬允當。但遽
請議裁。伊等循績既昭。雖回任候升。自應即示獎勸。
嗣後著加恩。循照內官京察一等者。令其引見。准其
卓異時各加一級。仍註冊回任候升。著為例。又奏
准。內外軍政考選各官。出差在一年以內。仍一

體註考一年以外者免其考察其出差一年以外若堪膺薦舉者仍准其卓異。○二十八年議准軍政平等員弁不入舉劾者悉以額缺現任之員填考註冊報部查覈其有於舉行之先已經病故叅革等項緣事去任之員均毋庸再行列入至已經離任額缺尚懸者於冊內聲明懸缺緣由毋庸將委署人員註考送部。○三十三年覆准軍政卓異人員既有督撫保題章疏毋庸取具印結至軍政不入舉劾平等各官該督撫仍照舊例造送。○三十五年議准薦舉卓異

官員。歷俸未滿。無論正附薦舉之員。自到任之日起。扣至該督撫具題之日止。實在俸次未滿三年者。違例濫行列入保薦。照越次保題例降一級留任。○又奏准。老病官員。仍行戀缺不肯告休。入於軍政案內糾叅。無論年歲出兵打仗。俱勒令休致。該管大臣不得妄行題請給俸。○

三十六年

諭。到任未滿半年之員。仍由原衙門註考。往往曲為獎借。此等人員。任事之日既淺。即使才猷出眾。暫置二等。視其果能勤奮。下屆再薦。所有原衙門註考之例。

停止。○三十九年議准。嗣後六法人員。如有情願赴部者。自部覆文到之日起。限六箇月內。即在原任省分呈請給咨赴部引。

見如過限期。毋庸送部。○四十三年奏准。武職薦舉卓異。至下次軍政時。有停升等項事故。例不准薦舉者。仍准存留上次卓異。其因較俸尚未升用。下次考覈列入平等者。即將上次薦舉卓異加級註銷。○四十八年議准。各部院及各省填入大計人員。摺內所稱參劾字樣。改為入於計典字樣。○五十二年奉

旨。嗣後軍政著改於春季考驗。○五十六年奏准。在京武職官員。於三月十五日以前造冊送部。各省駐防官員軍政。仍循舊例辦理。○五十七年奏准。軍政卓異官員。除任內有盜案例應降級調用者。不准薦舉外。如例止罰俸完結。無礙升用。仍准其一體卓異。○嘉慶二年

諭。考驗軍政甚關緊要。特派王大臣等。理應每日前往據實考驗。此內如實有另派別項差使。並因進班不到者。尚可寬恕。因尋常奏事後。或不到。實屬非是。如再有出派差使推故不到者。必從重治罪。○八年

諭。向來軍政之年。不准告病以杜武員規避之漸。其奉旨查閱營伍年分。事關考覈。即與軍政無異。著照舉行軍政之例。不准告病乞休。違者照例叅辦。○又

諭。各省大計軍政。關繫激揚鉅典。向來六法劾叅人員。循例引見者。均係按例降革勒休。原以甄別人材。責成既專。自當照議黜陟。以示勸懲。昨日兵部帶領武職官員引見內。有劾叅有疾之原任湖南岳州衛守備周代暄。劾叅罷輓之原任山西吉州營千總許大詔。均係軍政案內應劾之員。本應照例休致革職。朕以該二員從前在河南湖北軍營。曾經出力。且所叅

係有病罷輟。尚無別項方款。特降旨將周代暄以千
總補用許大詔以把總補用。此係朕軫念微勞。格外
施恩。非可援以為例。此後大計軍政被劾之員。不得
妄思倣幸也。○十一年

諭據貢楚克札布等奏。會議西甯辦事大臣節制兼轄
附近鎮道各員。酌定章程一摺。西甯鎮道與青海大
臣。近在同城。向無統屬。遇有蒙古番子交涉事件。僅
令貴德廳各員專司辦理。未免呼應不靈。不足以資
彈壓。嗣後著照該大臣等所請。西甯文員自道府以
下。武職自鎮協以下。俱歸該大臣兼轄節制。遇有蒙

古番子交涉事件。即由該大臣主政。至軍政大計年分。該鎮道等辦理蒙古番子案件功過。由該大臣出具考語。咨會該督。再將該員平日辦理地方事務。是否認真。由該督會同參酌舉劾。以昭覈實。而示勸懲。

○十二年奏定軍政年分告病乞休官員。照查閱營伍年分題准成案辦理。凡副將以下營衛千總以上。未經考驗軍政之先。告病乞休。即勒令休致。若經考驗。仍准告病乞休。○道光八年諭。穆蘭岱奏請與西甯鎮一體校閱營伍一摺。西甯辦事大臣向遇軍政之年。會同該督出考舉劾。並不閱

看官弁騎射。平時亦不督同操演。茲穆蘭岱因接奉前此訓飭。新疆各城大臣勤加操練。諭旨請督同西甯鎮一體閱伍。尚為覈實起見。著照所請。准其督同該鎮隨時勤加訓練。每遇軍政之年。閱看副將以下官弁騎射。再行出考。以符名實。○二十七年

諭嗣後內外武職大員軍政簡明履歷清單。著兵部於十一月二十日以前具奏。○同治十一年題准軍政應考官員。臨期未到。照違令律罰俸一年。

議敘通例

軍功議敘

軍功議敘○

國初定大兵凱旋之後。令統兵將帥實敘官兵勤勞情形。分別等第報部。由部覈實議敘。給以功牌。有應授爵者。咨吏部授爵。應註冊者。由部註冊。功牌之式。以紫綾為面。用潔白厚紙四邊墨印螭文。內註明功績等次。凡填功績及年月處。鈐用部印。編次號數。覈對給發。一等功牌長六尺六寸五分。二等功牌長三尺三寸五分。三等功牌長三尺五分。四等功牌長二尺八寸五分。五等功牌長二尺六寸五分。均廣尺有五寸五分。○順治四年題准。官兵用紅衣。擊破城池。

者。其擊陷之處。所派護軍統領副都統。准給末等軍功。○五年題准。統兵大臣能平定地方。不使良民陷於困苦者。凱旋之日。由部議定等第升賞。其出奇制勝。遣發軍士攻城克敵者。雖未親身臨陣。亦照所得軍功等第議敘。○又題准。凡招撫兵一千名以上。船五十隻以上。及官民未徙之完城者。統兵大臣將領及將領下遣去招撫之人。均予議敘。○八年題准。凡用雲梯攻克府城者。賞五人第一人賞銀五百兩。第二人三百五十兩。第三人二百五十兩。第四人一百

五十兩。第五人一百兩。領戰官照第二人例。指示官照第三人例。射箭官照第五人例。昇雲梯人各賞銀三十兩。攻克州城衛城者賞四人。第一人賞銀四百兩。第二人二百五十兩。第三人一百五十兩。第四人一百兩。領戰官照第二人例。指示官照第三人例。射箭官照第四人例。昇雲梯人各賞銀二十兩。攻克縣城所城者賞三人。第一人賞銀三百兩。第二人一百五十兩。第三人一百兩。領戰官照第二人例。指示官照第三人例。射箭官各賞銀五十兩。昇雲梯人各賞

銀十兩。用紅衣礮攻城。不論府州縣衛所。均賞三人。第一人賞銀二百兩。第二人一百兩。第三人五十兩。領戰官照第二人例。指示官照第三人例。射箭官不給賞。礮手克府城。各賞銀十五兩。州城衛城。各賞銀十兩。縣城所城。各賞銀五兩。如礮手內有效力多者。酌量優賞。其掘毀城垣克城者。領戰官照首登雲梯克城例給賞。前鋒校護軍校驍騎校。照末等人例給賞。效力兵丁照昇雲梯人例給賞。登城者照用礮克城例給賞。奪門入城。及無雲梯而登城者。賞三人第

一人賞銀一百五十兩。第二人一百兩。第三人五十兩。領戰官照第二人例。指示官照第三人例。又題准。凡用紅衣礮攻城。令八旗會於一處。同時點放。敘功時。分別等第。照雲梯克城例。減一等議敘。每礮一位。議敘官一人。多委者不准。每參領下有大礮二位以上者。參領亦准議敘。其都統。副都統。及兩旁管放礮官。均照例議敘。○九年題准。出征委署官。立有軍功。果係原官身故。及患病遺缺委署者。准其議敘。額外委署者不准。○又題准。出征軍功凱旋之日。各令

請功。如於已定等第之後。或稱前功遺忘。再行請給。或稱前次未經請給。欲俟後得功牌。並請或稱因事耽誤者。均不准行。若果在請功之先。實係因公差遣。許統兵大臣及該管官開明緣由。送部註冊。俟差竣日請功。○十四年題准。大兵所到之處。敵人掘濠排柵。列陣對敵。我師進攻。敵人堅壁不動。有能於衆軍內奮勇爭先。越衆前驅。衆軍隨進克敵者。第一人賞銀一百兩。咨吏部授爵。第二人賞銀八十兩。給越衆前驅二等功牌。第三人賞銀六十兩。給三等功牌。均

註冊。俟後復有越衆前驅之功。將兩次三等功牌。准作一次二等。積至兩次二等者。咨吏部授爵。交鋒之際。有於本旗行隊之前。越衆衝鋒本旗大隊隨進克敵者。第一人賞銀五十兩。給本旗前進一等功牌。第二人賞銀四十兩。給二等功牌。第三人賞銀三十兩。給三等功牌。俟後再有本旗前進之功。將兩次三等功牌。准作一次二等。兩次二等功牌。准作一次一等。積至三次一等者。咨吏部授爵。其隨隊伍進攻。或隨衆斬射。或追擊敗兵。或於敵少處進攻者。均不在給

賞授爵之例。○又題准。凡遇敵水戰時。有能超登敵舟。殺賊獲衆者。統兵大臣。驗明舟之大小。分為三等。一等舟賞五人。先登者賞銀二百五十兩。第二人賞銀二百兩。均咨吏部分別授職。第三人賞銀一百五十兩。給一等舟三等功牌。第四人賞銀一百兩。給一等舟四等功牌。第五人賞銀五十兩。給一等舟五等功牌。均註冊。俟後復有超登一等舟戰功。將兩次五等功牌。准作一次四等。兩次四等功牌。准作一次三等。積至兩次三等者。咨吏部授職。二等舟賞四人。先

登者賞銀二百兩。移咨吏部授職。第二人賞銀一百五十兩。給二等舟二等功牌。第三人賞銀一百兩。給二等舟三等功牌。第四人賞銀五十兩。給二等舟四等功牌。均註冊。俟後復有超登二等舟戰功。將兩次四等功牌。准作一次三等。兩次三等功牌。准作一次二等。積至兩次二等者。咨吏部授職。三等舟賞銀三人。先登者賞銀一百五十兩。給三等舟一等功牌。第二人賞銀一百兩。給三等舟二等功牌。第三人賞銀五十兩。給三等舟三等功牌。均註冊。俟後復有超登三

等舟戰功。將兩次三等功牌。准作一次二等。兩次二等功牌。准作一次一等。積至兩次一等者。咨吏部授職。其三等以下常舟。不列等次。先登者賞銀八十兩。給常舟一等功牌。第二人賞銀六十兩。給常舟二等功牌。第三人賞銀四十兩。給常舟三等功牌。均註冊。俟後復有超登常舟戰功。將兩次三等功牌。准作一次二等。兩次二等功牌。准作一次一等。積至三次一等者。咨吏部授職。以上超登敵舟。殺賊獲衆戰功。視舟之等次。遞減一等。准其積算。如超登一等舟之第

三人。後得二等舟二等功牌。或得三等舟一等功牌。或得常舟兩次一等功牌。均咨吏部授職。餘仿此。其在舟督戰官。照第二人例。餘官照第三人例。前鋒校。護軍校。驍騎校等。照第四人例。均按舟論功。若追獲空舟小舟及敗走之舟者。不在給賞授官之例。統兵將帥不將先登情由。及所獲舟數。分別等次者。止照常舟例給賞。○又議准。出征前鋒校。護軍校。驍騎校。及署前鋒校。護軍校。驍騎校。有一等軍功四次。復有二等三等四五等功牌。授以世爵。不足者註冊。陣亡

者給一雲騎尉。○又題准出征前鋒校護軍校
驍騎校缺出。委官代署者。委署官立功後。即照
前鋒校護軍校驍騎校議敘。額外委署者不准。
○十七年議准。凡攻城。以城之大小。攻之難易。
為等次。如城中敵兵堅守。我師登雲梯。艱苦攻
克者為一等。敵兵雖眾。統兵將帥設謀制勝。士
卒登雲梯。攻克不甚艱苦者為二等。敵兵雖寡。
守禦猶堅。我師艱苦攻克者為三等。敵兵既寡。
統兵將帥復出謀制勝。士卒攻克不甚艱苦者
為四等。敵兵寡弱。尚敢抗拒。我師登雲梯艱苦

攻克者為五等。一等城敍六人。第一人授一等輕車都尉。第二人授二等輕車都尉。第三人授三等輕車都尉。第四人授騎都尉兼一雲騎尉。第五人授騎都尉。第六人授雲騎尉。領戰官授騎都尉。指示官及射箭官授雲騎尉。二等城敍四人。第一人授三等輕車都尉。第二至第四以次遞降。領戰官與前同。三等城敍三人。四等城敍二人。領戰官授雲騎尉。指示官克兩城者授雲騎尉。五等城敍一人。領戰官克兩城者授雲騎尉。克一城者註冊。克州城者減府城一等。克

縣城者減州城一等。衛城與州城同。所城與縣城同。如敵兵據寨築城。我師艱苦攻克。各視其寨之大小。與城之等次。相較議敘。凡此等軍功。俱詢問統兵將帥。據實分別等第議敘。如有假捏者。除此次功績不准議敘外。仍從重治罪。○康熙元年題准。凡出征大兵所到之處。如敵人掘濠排柵列陣相持。我兵力戰不退。八旗執纛人。有能鼓勇前進者。賞銀一百兩。咨吏部授官。次進者賞銀八十兩。又次進者賞銀六十兩。如官兵前進將及十人。執纛人續進者。第一人賞

銀五十兩。其餘均不給賞。若整兵對敵之時。一
旗內有一參領下執纛人在衆參領之前首進
者。賞銀五十兩。註冊給一等功牌。俟後立功有
三次一等功牌。咨吏部授官。執纛人次進者。賞
銀四十兩。又次進者。賞銀三十兩。如官兵前進
將及十人。執纛人續進者。賞銀二十兩。餘不給
賞。以上均令統兵將帥分別等第。造冊送部。凡
軍功三等以上者。執纛人給賞。四等以下者不
准。○三年

諭。凡多一頭等功牌者。准作二等。三等功牌。多一二等

功牌者。准作三等。四等功牌。多一三等功牌者。准作四等。五等功牌。多一四等功牌者。准作五等功牌。至下等功牌。不得折算上等。○四年題准。綠營兵丁用雲梯登城。分別等第授職。攻克一等府城者。敘五人。第一人授參將。第二人授遊擊。第三人授都司僉書。第四人授守備。第五人授千總。領戰官功加四等。指示官功加二等。攻克二等府城者。敘四人。第一人授遊擊。第二人授都司僉書。第三人授守備。第四人授千總。領戰官功加四等。指示官功加二等。攻克三等府城者。敘三人。

第一人授都司僉書。第二人授守備。第三人授千總領戰官功加二等。指示官功加一等。攻克四等府城者敘二人。第一人授守備。第二人授千總領戰官功加二等。指示官功加一等。攻克五等府城者。第一人授千總領戰官功加一等。指示官不敘。攻克一等州城者敘四人。第一人授遊擊。第二人授都司僉書。第三人授守備。第四人授千總領戰官功加四等。指示官功加二等。攻克二等州城者敘三人。第一人授都司僉書。第二人授守備。第三人授千總領戰官功加

二等。指示官功加一等。攻克三等州城者敘二人。第一人授守備。第二人授千總。領戰官功加二等。指示官功加一等。攻克四等州城者。第一人授千總。領戰官功加一等。指示官不敘。攻克一等縣城者敘三人。第一人授都司僉書。第二人授守備。第三人授千總。領戰官功加二等。指示官功加一等。攻克二等縣城者敘二人。第一人授守備。第二人授千總。領戰官功加二等。指示官功加一等。攻克三等縣城者。第一人授千總。領戰官功加一等。指示官不敘。攻克一等衛

所城者敘二人。第一人授守備。第二人授千總。領戰官功加二等。指示官功加一等。攻克二等衛所城者。第一人授千總。領戰官功加一等。指示官不敘。若城被破擊及剽塌。兵丁因而先登者。第一人授千總。領戰官功加二等。其內應暗取城池者不敘。○又題准攻克府城者賞五人。第一人給銀二百五十兩。第二人二百兩。第三人一百五十兩。第四人一百兩。第五人五十兩。攻克州城者賞四人。第一人給銀二百兩。第二人一百五十兩。第三人一百兩。第四人五十兩。

攻克縣衛所城者賞三人。第一人給銀一百五十兩。第二人一百兩。第三人五十兩。凡攻克城池。即將首先登城兵丁姓名。及攻城之時。或以雲梯。或係紅衣。或掘城。或內應。並敵人多寡。我兵多寡。一應攻克勞績緣由。各該將軍提督。據實具題。○七年題准。議敘攻城功牌等第。與議敘戰功等第同。○十一年題准。官弁加至左都督。無可加之級者。紀功存案。積至八次。授一雲騎尉。○又題准。總督提督總兵。各官標下部冊。有名效力人員。有投賊功績者。照把總例議。

敘。○又題准官弁將他人之功作為己功具報者。降三級調用。○又題准官弁造報功冊。鋪飾不實者革職。其不查覈明確率行具題之將軍總督提督。降二級留任。總兵官降三級留任。○十二年覆准。凡招撫兵一千名。船三十隻以上者。為五等軍功。兵一千五百名。船四十隻以上者。為四等軍功。兵二千名。船五十隻以上者。為三等軍功。兵二千五百名。船六十隻以上者。為二等軍功。兵三千名。船七十隻以上者。為一等軍功。兵三千五百名。船八十隻以上。招撫偽王

竊據之府城者。臨時酌量從優議敘。為頭等第
一軍功。招撫府城為一等軍功。州城為二等。縣
城為三等。衛所城為四等。有名寨崖為五等。參
贊之都統。護軍統領。副都統及將領。與將領下
遣去頭領。並從事各官。均准議敘。如有以少報
多。以空城作實城者。照例治罪。○又議准。凡敘
功時。如有攻戰未勞。而誑稱勞。敵寡而誑稱眾
者。除將統兵大臣。此次功績俱不准議敘外。仍
行革職。○十三年。題准。綠營兵丁攻戰之時。或
敵人掘塹立柵。排設器械相敵。或大列陣勢。相

敵我師正在相持。有能於衆營中首先衝鋒前進。衆營尾後克敵者。第一人賞銀五十兩。授守備。第二人賞銀四十兩。授千總。第三人賞銀三十兩。授把總。遇該省有缺。准先補用。若齊力交鋒之際。有能於本營中衝鋒前進。本營尾後克敵者。第一人賞銀三十兩。授千總。第二人賞銀二十兩。授把總。遇該營有缺。准先補用。○又題准綠營兵丁若遇水戰。有能超登敵舟殺賊得獲者。驗明舟之大小。分為三等。一等舟先登者。賞銀一百兩。授都司僉書。第二人賞銀八十兩。

授守備。第三人賞銀六十兩。授千總。第四人賞銀四十兩。授把總。領戰官加二級。同戰官加二級。二等舟先登者賞銀八十兩。授守備。第二人賞銀六十兩。授千總。第三人賞銀四十兩。授把總。領戰官加二級。同戰官加一級。三等舟先登者賞銀六十兩。授千總。第二人賞銀四十兩。授把總。領戰官加一級。同戰官紀錄一次。凡授官者。均照職銜准先補用。如係空舟小舟及敗走之舟。不在此例。其造冊具題時。務將敵兵多寡。船隻大小。與攻戰勞苦情形。並首先登船官兵。

姓名逐一據實開列。若有捏飾陳奏者。將軍以下皆議處。○十四年題准部冊無名外委人員初次立功酌量獎賞。將姓名報部註冊。後又立功。照部冊有名人員例議敘。○十七年題准礮手捕盜人等超登敵船。殺賊得獲。照兵丁議敘。若故礮打沈賊船者。船一隻賞銀二十兩。船二隻賞銀四十兩。給予把總劄付。船三隻賞銀六十兩。給予千總劄付。如有多者。照此賞給。加銜給劄。○又題准現任官有陸續招撫偽官兵及難民者。合併議敘。招撫偽官兵五百名以上。或

一等船五隻以上。二等船十隻以上。三等船二十隻以上。或難民二千名以上者。紀錄一次。招撫偽官兵二千名以上。一等船十隻以上。二等船二十隻以上。三等船四十隻以上。難民五千名以上者。文職加一級。武職功加一等。招撫偽官兵四千名以上。一等船十五隻以上。二等船三十隻以上。三等船六十隻以上。難民一萬名以上者。文職加二級。武職功加二等。招撫偽官兵六千名以上。一等船二十隻以上。二等船四十隻以上。三等船八十隻以上。難民一萬五千

名以上者。文職加三級。武職功加三等。招撫偽
官兵八千名以上。一等船二十五隻以上。二等
船五十隻以上。三等船一百隻以上。難民二萬
名以上者。文職加四級。武職功加四等。招撫偽
官兵一萬名以上。一等船三十隻以上。二等船
六十隻以上。三等船一百五十隻以上。難民二
萬五千名以上者。文職加五級。武職功加五等。
如數多者。照此遞加。候選文武官進士舉人貢
監生武生有能照此例招撫者。均於補官日照
數紀錄加級。其文生員招撫偽官兵五百名以

上。一等船五隻以上。二等船十隻以上。三等船二十隻以上。難民二千名以上者。送禮部移咨國子監讀書。招撫偽官兵二千名以上。一等船十隻以上。二等船二十隻以上。三等船四十隻以上。難民五千名以上者。授為功貢。免其坐監。以州同州判考定即用。如數多者。照數加級。效用人員。招撫偽官兵五百名以上。一等船五隻以上。二等船十隻以上。三等船二十隻以上。難民二千名以上。係部冊有名者。文職授為正九品。武職給予千總劄付。部冊無名者。文職授為

從九品。武職給予把總劄付。如數多者。照數加級。不及數者。不准議敘。酌量獎賞。其發遣招撫之官。招撫偽官兵五千名以上。一等船十五隻以上。二等船三十隻以上。三等船六十隻以上。難民一萬名以上者。紀錄一次。招撫偽官兵一萬名以上。一等船三十隻以上。二等船六十隻以上。三等船一百二十隻以上。難民二萬五千名以上者。加一級。多者照數加級。若以少報多。誑奏請功者。具題官降二級留任。呈報官革職。

○十九年奉

旨。八旗從征奴僕。得一等功牌二次者。准其開戶。○二十二年議准。官兵攻城對敵。若於敵人未動之先。被傷退回。及敵人既敗。不行追擊者。均不准請功。○三十五年

諭。八旗官兵之家。下兵丁及從役人等。有能踰營進擊者。作何給還本主身價。令其出戶。以示鼓勵。著集議具奏。欽此。遵

旨。議定官兵家下兵丁及隨役內。或於駱駝營。或於櫓木營。或於列陣對敵之地。有能奮勇前驅。衆人隨後殺敵追逐者。將奮勇前驅之家。下兵丁隨

役本身及其父母妻子均著出佐領為另戶。仍照例按人口給予伊主身價銀兩。○雍正元年諭進藏及克復臺灣有功人員其現在者俱已議敘。惟已經身故者未得議敘。同為國家立功之人。乃以身故之後不得均霑恩卹。朕心深為憫惻。著即酌加議敘。著為定例。以副朕褒錄有功之至意。欽此。遵

旨議定。文武官出征立功未及議敘身故者。統兵官按立功大小分別等第。造冊送部。係一等二等軍功。給一子監生。遇把總員缺該督撫揀選拔補。三等四等軍功。給一子監生。遇外委把總員缺。

該督撫揀選拔補。五等軍功。給一子監生。或願
應試。或願隨營食糧。各聽其便。○又議准八旗
武職立功身故者。無論功績大小。官員給七品
監生一人。護軍校。驍騎校。給八品監生一人。均
於其子弟內揀選充補。至病故兵丁及委署之
護軍校。驍騎校等。各給祭奠銀二十兩。再折給
功牌銀五十兩。永為定例。○二年奉

旨。嗣後文官在軍前效力者。會兵部議敘。永著為例。○
四年覆准。隨從王等出征護衛各官。果有奮勇
爭先。不顧身命者。令統兵大臣列敘功績。分別

等第造冊報部。照出征衝鋒官一例議敘。○五年。議敘川陝進藏功加人員。內有武舉武生俊秀。自備鞵馬口糧。隨營效力者。請

旨分別錄用。奉

旨。此項功加武舉武生俊秀人等。既經效力。有不宜於武職者。酌量以雜職文員錄用。以示朕格外施恩之意。○又奉

旨。隨軍效力之人。往往有未諳營伍。而具呈願往。濫邀議敘者。其自備鞵馬之人。若後來力量不足。必致遲誤。及遲誤之後。又不便與衆一例治罪。於軍前殊屬

無益。嗣後若有自備牽馬願往效力之人。概不准行。

○七年奉

旨。凡有出兵加恩之案。其中若有應行駁詰者。止將應駁之人扣除。俟覈覆明白補議。不得因一二人行詢。而稽遲衆人應得之卹典。將此永著為例。○十年奉
准軍功人員議敘之時。該將軍等所送戰功等第原冊。由部覈實。如立有一次戰功者。即予一次功牌。有數次戰功者。即予數次功牌。○十一年奉

旨。前年令八旗選戶下兵丁出征時。朕曾降旨。持沛恩

膏。俟成功回日。將伊等妻子均於其主家中開出。作為另戶。其各路出征人等內。有開戶分出領催馬甲。久住軍前。著有勤勞。甚屬可憫。著交各路將軍大臣等。將此等開戶領催馬甲內。如有效力出衆者。令各該大臣將姓名註冊。俟大兵凱旋之日。將伊等戶下兵丁。作為另戶。○乾隆二年奉

旨。開戶兵丁在軍營效力。列在一等二等者。均准作為另戶。○又奉

旨。八旗家下馬甲及家人抱養之子。既在軍營效力多年。著加恩開戶。兵丁例均准作為另戶。○四年奉

准八旗武職立功病故所給監生應按其立功之等第以定監生之品級嗣後出征立功未經議敘身故者統兵將帥將該員立功大小分別等第造冊送部係一等二等軍功給該員子弟一人監生食七品官俸三等四等軍功給該員子弟一人監生食八品官俸隨旗行走遇有應升之處仍照例揀選係五等軍功給該員子弟一人監生照捐納監生例准其應試○五年

諭朕覽兵部纂修則例內稱從前進藏出征之官兵及受傷病故官兵所有豫借銀免其追還係出自持懇

未便纂為成例等語。朕思兵丁捐軀行陣。情實可憫。其豫借銀理應豁免。若必待特降諭旨。恐其中不免一二遺漏。著為定例。凡遇此等事。該部即援例請免。則恩卹之典。可垂永久矣。○六年奏准。將軍總督提鎮等。將有功之人。屈抑不報。及將無功之人。冒濫開列者。將軍總督提督降一級調用。總兵官降二級調用。若冊籍繁多。偶有遺漏者。將軍總督提督罰俸六月。總兵官罰俸一年。其造報不實者。令其改正。遺漏者。令其補報。○又奏准。官弁報功。該上司必須詳覈。始為轉報。若有藉名。

生事殺傷良民捏稱殺賊得功具報者革職提問轉報之上司革職總兵官降二級調用將軍總督提督降一級留任○又議准立功官弁除登城前進躍舟例各載有授職給賞者仍照例議敘外其餘軍營立功之人一等者功加一等紀錄二次二等者功加一等紀錄一次三等者紀錄三次四等者紀錄二次五等者紀錄一次其文職應加一等者加一級若奉

旨從優議敘由部臨時按其勞績大小酌量議敘○七年奏准出征立功人員除例有專條者仍照

例遵行外。其餘所得戰功。應以兵數之多寡。定立功之等第。如敵兵甚衆。官兵甚少。進戰取勝。勞績最著者。為一等軍功。敵兵甚衆。官兵略少。進戰取勝者。為二等兵數相等。進戰取勝者。為三等。官兵甚衆。敵兵略少。進戰取勝者。為四等。我衆敵寡。進戰取勝者。為五等。以上所立功績。均令統兵將帥。據實分別造冊報部。由部覈明等第。給以功牌。○又議准。造報各項軍功。有鋪飾。誑奏者。皆革職。如屬官誑報者。將本人革職。不行查明。遽為轉報之該管將領。與統兵大臣。

分別降級留任。○又議准軍前立功病故官。既按功績等第分別議敘。其賞給兵丁銀兩亦應分有差等。嗣後兵丁及委署官員前鋒校護軍校驍騎校等。立功病故。除照例各給祭奠銀二十兩外。係一等軍功。折給功牌銀五十兩。二等軍功四十兩。三等軍功三十兩。四等軍功二十兩。五等軍功十兩。○十八年議准軍功議敘官弁。向例按等次加銜。推升時照京俸一年作半年算。今既將加銜之處刪除。係幾等軍功。即將幾等入於劄付之內。仍照京俸升轉。○十九年

覆准。向例官弁加至左都督者。紀功積至八次。授一雲騎尉。今既刪去加銜。嗣後提督有功加十等。總兵官有功加十二等。及千總有功加二十四等者。皆給一雲騎尉。其餘各官所有功次。均照此積算。○二十四年奏准。改定功牌式樣。頭等者長二尺八寸。二等者長二尺四寸。三等者長二尺二寸。四等者長二尺。五等者長一尺八寸。○又奏准。八旗出征立功人員。令統兵大臣分別等第。將出衆效力者。給頭等功牌一箇。再給三等功牌一箇。一等者給一等功牌一箇。

二等者給二等功牌一箇。三等者給三等功牌一箇。四等者給四等功牌一箇。五等者給五等功牌一箇。文職出衆效力者。加一級紀錄五次。一等者加一級紀錄二次。二等者加一級紀錄一次。三等者紀錄三次。四等者紀錄二次。五等者紀錄一次。至奉

旨從優議敘。將出衆效力者。給一等功牌二箇。一等者給一等功牌一箇。再給三等功牌一箇。二等者給二等功牌一箇。再給四等功牌一箇。三等者給三等功牌一箇。再給五等功牌一箇。其文

職官員。列為一等者加三級。二等者加二級。三等者加一級。○又定。綠營出征立功人員。奉

旨從優議敘者。將一等軍功人員。給以功加三等。二等者功加二等。三等者功加一等。具文職列為一。二。三等者。加級與八旗文職同。○又奏准。八旗立功病故官員。議給監生。由該旗查明應襲子弟。如年已及歲。即行揀選。奏請引

見承廕。年未及歲者。止列名繕寫綠頭牌具奏。請旨承廕。俟年已及歲。補行引

見。隨旗行走。照品食俸。○又奏准。將軍。副將軍。參贊

大臣都統前鋒統領護軍統領副都統一二品
大臣及委署前鋒統領護軍統領副都統有從
前所得頭等功牌兩箇。二三四五等功牌各一
箇。營總翼長一二三等侍衛前鋒參領護軍參
領驍騎參領城守尉總管協領前鋒侍衛副前
鋒參領副護軍參領副驍騎參領佐領防守尉
閒散章京防禦三四五品官員及委署營總委
署前鋒參領委署護軍參領委署驍騎參領有
頭等功牌三箇。二三四五等功牌各一箇。藍翎
侍衛前鋒校護軍校六品官員及委署前鋒參

領前鋒侍衛護軍參領驍騎參領之間散章京。有頭等功牌四箇。二三四五等功牌各一箇。委署前鋒校護軍校驍騎校及七八品官員獎賞。藍翎藍翎長前鋒護軍領催委署參領之間散章京筆帖式。有頭等功牌五箇。二三四五等功牌各一箇。俱授雲騎尉。○又奏准出征立功官員。欽奉。

特恩賞給世職。復於別處打仗立功。議給功牌。應授世職者。查明現在所議之世職。較前世職大者。將從前。

恩賞世職查銷。仍按其從前立功等第。補給功牌。將前後所得功牌。統行覈算。給予世職。○又奏准武職官員出征打仗。將所得功加註冊存案。如奉

恩旨。交部查明議給世職者。按其官階等第。及功加次數。分別辦理。提督功加十等。總兵功加十二等。副將功加十四等。參將功加十六等。遊擊功加十八等。都司功加二十等。守備功加二十二等。千總功加二十四等。皆給雲騎尉。○三十九年。奏准出征立功兵丁。將功績出衆者。賞銀六

兩。一等者賞銀五兩。二等者賞銀三兩。三等者賞銀一兩。○又奏准武職副將以下官員。在軍前立功後病故者。均查覈原保等第。一體辦理。一二等軍功者。給予伊子七品監生。以把總用。三四等軍功者。給八品監生。以外委把總用。如有未仕而故者。再給一次。○四十九年奏准出。征立功官員。奉

旨從優議敘者。將立功出衆人員。給以功加四等。一等以下。仍照舊例辦理。兵丁各按等第。應得銀數。加賞三分之一。如係本案立功升擢者。即將

應得議敘扣除。其非本案升擢。毋庸扣除議敘。
○嘉慶二年奏准。八旗一二品大臣及提督總
兵在軍營立功病故。著有勞績。奉

旨。交部議卹者。除照例卹賞外。廕一子。給予六品頂
戴。送部引

見請、

旨錄用。○又奏准。統兵大將軍。經略。參贊大臣。出征
立功。奉

旨。交部議敘。並交部從優議敘者。按其功績。給予軍
功加級紀錄。將軍。都統。前鋒。統領。護軍。統領。副

都統等。出征立功。由統兵大臣分別等第報部。按其立功等第。給予軍功加級紀錄。營總以下。及有頂戴以上官員。出征立功。亦由統兵大臣分別等第報部。按其立功等第。給予功牌。○又奏准提督總兵出征立功。奉

旨。交部議敘者。照議敘之例辦理。由統兵大臣分別等第報部。兵部按其立功等第。俱給予軍功加級紀錄。又副將以下。經制外委以上官。出征立功。奉

旨。交部議敘者。一等二等軍功。俱給予功加。三等軍

功以下。給予軍功紀錄。若奉

旨。交部從優議敘者。一等二等三等軍功。俱給予功加。四等軍功以下。仍給予軍功紀錄。毋庸給予功加。○六年奏准。遇敵水戰。奪一等舟敘五人。先登者授騎都尉。第二人授雲騎尉。第三人四人五人均註冊。奪二等舟敘四人。先登者授雲騎尉。第二人三人四人均註冊。奪三等舟敘三人。均註冊。在舟督戰官弁。各照所奪之舟。與第二人同。其餘官弁與第三人同。○又奏准。出征委署人員。立有軍功。如係奏明委署額缺者。照

委署之缺議敘。如非奏明委署者。不准照委署之缺議敘。○又奏准官員出征打仗立功。欽奉諭旨。交部議敘。軍營大臣造冊送部。未分等第者。照三等軍功之例議敘。○又奏准軍營造報功冊。鋪飾不實。並不覈明遽題者。統兵大臣均照議處本省總督之例。分別辦理。○又奏准捐職人員。投效軍營。立有功績。除軍營大臣奏請補用。加級升銜奉

旨允准外。其餘隨案造冊咨部請敘者。非實缺候補之人。均令軍營大臣等自行獎賞。毋庸議給功

加及加級紀錄○八年

諭琅玕奏夷疆現經勘定。請將分路設立之頭人賞給頂戴一摺。前此鄉勇頭禾君相首先搶上山崖。將首逆恆乍網擒縛。著有勞績。是以加恩賞給千總銜。並准戴藍翎。今琅玕請於維西麗江四路各設立頭人二名。即賞給千把總頂戴。未免過優。但各路既設立頭人。分司管束。自應酌給頂戴。以資鈐制。除禾君相業經賞給千總銜外。所有奏請賞給千把總頂戴之頭人。著交該督分別給予千把總外委頂戴。此後各路夷衆。即著落各該頭人妥為約束。以專責成。儻各夷

人有不安本分。滋事為匪者。即當治以不能約束之罪。如該頭人等果能認真出力。夷情安靜。著有勞績。再行奏請加恩升賞。用昭激勸。欽此。遵

旨議奏軍營奏奉

恩旨出力軍功人員。指明以都守千把補用者。遵照辦理外。其餘五六品頂戴。以把總外委拔補。七八品頂戴。以外委額外外委拔補。至四品軍功。以千總把總拔補。准其用原賞頂戴。其有不願入營。回籍安業者。按名給予執照。報部查覈。如軍功人等遇有涉訟時。飭令該地方官按照捐

職人員公私罪過。先行詳革衣頂。再行決罰等因。奉

旨。軍功人等。幫同官兵勦捕出力。得有頂戴。其情願入伍者。自應按照頂戴分別拔補。惟四品軍功一項。品級較大。當時自因其勞績出眾。是以逾格賞給。今議以千把總兩項兼補。尚覺銜級懸殊。著加恩專以千總拔補。此內再查有曾殲擒著名首逆。勞績尤著。即格外施恩。准其奏明以守備補用。其五品以下各軍功。有似此者。亦查明加等拔補。至現在清查之時。該地方官惟當廣為曉諭。以此時查辦軍功頂戴。全憑

執照為驗。須於執照上註明年貌籍貫三代。再行給發。若不能呈出執照。則弊混顯然。將來如有查出假冒頂帶者。即按其假冒頂戴之大小。分別罪名之輕重。如此剴切曉諭。庶名器不敢冒濫。而辦理亦無紛擾。○九年奉

旨。向來兵部遇有辦理軍務時。特設議功所。承辦一切事件。此次勦辦黔楚苗匪。及川陝楚豫邪匪。軍營事宜。即責成職方司司員承辦。現在餘氛掃淨。全功告歲。永慶教甯該部職方司員。與有微勞。自應量加鼓勵。所有上年題本書寫錯誤革職留任各員。俱著加

恩開復外。其中並無處分各員。著查明交部議敘。○
又奏准各省文武官辦理本省地方事務妥協。
奉

旨照軍功議敘者。照軍功之例辦理。若奉

旨議敘。並無照軍功字樣者。即照尋常議敘之例子。
以加級紀錄。從優者酌量加等給予。文職歸吏
部。武職歸兵部覈辦。○十年

諭。兵部議敘總兵羅江太等。拏獲盜船一案。已降旨照
軍功給予加級紀錄矣。外省海疆地方官員。出洋巡
哨。擒捕盜匪。與帶兵打仗無異。其被戕者。既照陣亡

例賜卹。遇有奮勉出力之員。自應一體優加甄敘。嗣後閩粵等省官員。在外海捕盜。著有勞績。特旨交部議敘者。該部覈議時。均著給予軍功加級紀錄。以示獎勵。